

寧海將軍固山貝子功績錄



60524

寧海將軍固山貝子功績錄

撰人不詳

中華書局

2121

1

13446

叢書集成初編

寧海將軍固山貝子功績錄

中華書局出版發行

(北京王府井大街三十六號)

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

寧海將軍固山貝子功績錄

叢書集成初編所
選指海借月山房
彙鈔澤古齋重鈔
皆收有此書借月
最早故據以影印

欽定四庫全書提要

寧海將軍固山

寧海將軍固山

錄

所記乃惠獻貝子富喇塔討逆藩耿精忠由良州

進兵之事富喇塔爲追封貝勒篇古子康熙十三

年耿精忠據福建反

聖祖仁皇帝命富喇塔爲寧海將軍同奉命大將軍康親

王傑書統兵討之是年至台州破賊於黃瑞山又

連破之紫雲山九里寺山十四年敗其衆於黃土

嶺賊將曾養性乘夜遁去遂復黃巖縣直取溫州

浙東底定其詳見

宗室王公功績表傳及八旂通志中是書蓋卽台人所編自十三年四月耿逆初叛至十四年八月賊黨自台州遁還溫州凡所聞見各舉崖略隨條紀錄貝子以懿親受寄盡瘁行間勦逆綏良勲猷懋著其間戰功次第自不若

國史所載見於奏報者尤爲明晰賅備而貝子撫恤軍民安輯士庶以及運籌決勝之實閭閻傳述觀記頗真以與本傳詳畧相校亦時有足資參核者

焉書前原有紀畧一篇別記貝子台溫二郡戰績
又撫嶧事實一篇紀嶧縣土寇應賊貝子遣兵討
定之事俱不言何人所撰又平閩功績聞見錄一
篇爲閩人金冰所作乃記貝子自浙進兵平閩之
事其文亦頗詳盡謹各仍其舊附錄於末以備互
考惟原本各條下俱綴以七言絕句凡九十六首
詞旨淺俚無關考證並從刊刪云

寧海將軍固山貝子功績錄

提要

四

寧海將軍固山貝子功績錄

失 名

國朝滇黔平西王吳三桂粵平南王尚之孝閩靖南王耿精忠康熙十二年奉

召入覲當年十月吳三桂抗命反尚王亦反耿王於次年三月二十四日叛於閩

耿逆叛卽起兵寇浙江衢州所屬常山等縣失陷時總督李之芳力爲捍圉耿逆遣僞左軍都督曾養性由福寧州而來將士獻城總兵吳萬福合家受戮

十三年四月間會養性率寇經溫州平陽縣遊擊司廷
猷獻城逼溫郡總兵祖宏勲城守副將羅萬里副將楊
春芳遊擊魏萬侯等戰賊敗績溫郡接壤黃巖黃鎮阿
爾泰頻羽達督撫兩臺交移提督塞白理親援

五月二十二日寧波提督塞白理率兵自寧抵台赴溫
進勦塞體肥胖憚於鞍馬至臨海桑洲淺瀕平灘塞藉
舟筏不備希喉巡撫劾台守高培不遂不得已乃從寧
海薄台纔千餘騎頗不馴服所至索食甚於索逋民難
於供應恣其驕橫羣向塞愬塞置不問延挨多日方行

六月初九日寇陷溫州總兵祖宏勲城守副將羅萬里
開門降賊城守副將楊春芳遊擊魏萬侯溫處道陳丹
赤永嘉知縣馬璵皆死之

塞白理師援溫州日行三十里至則已踰五日之期緣
塞有幕掾素與閩寇交密早與寇訂約勿犯寧波俟事
平傳檄可定故爾後期及塞詣溫之館頭地方不渡而
還溫州遂陷後掾冒軍功卽補官東粵索塞厚贖不予
掾持塞短塞怒羈其家丁五人手刃其三腹將苦諫乃
止由是塞之妄行無忌聲遍浙東矣塞於是月十八夜

經台卽抵寧波

二十七日金華山賊陷仙居知縣鄭錄勲副將汪國祥
內外夾擊賊寇李雲就擒斬之餘黨潘將等仍潛匿於
山谷險峻之處

二十八日杭州駐防都統周雲龍帶滿兵到台

七月寇逼樂清縣不戰而降樂清乃溫郡北邑至大荆
七十里大荆至黃巖亦七十里八月初二日寇遂逼黃
巖屯扎南門外羽山太平黃巖鄉村男女奔竄已受脅
制

八月初三日總兵阿爾泰盡部鎮標兵城守兵併象山
新昌二營調至兵於是日出戰南門外大敗

初曾養性在溫黃巖城守參將武灝陰已納款陽修濠
溝假爲備禦迨寇屯羽山薄南門城下旌旗蔽日鎮標
兵城守營兵與象山新昌援兵約五千阿鎮欲決死戰
初三日強灝同赴敵賊勢披猖莫敵遂敗折卒一千五
百餘人諸將僅以身免時灝主降爾泰欲撤營奔台爲
灝所制黃人洵湧乘文武官聚議於東門之祠山殿士
民沿街塞道長跪乞命求爲保全計爾泰不許降遣蠟

書馳報台道提督都統救援周都統遣薩克蘇部滿兵三百至黃爾泰恃心脅撥守西門阿堅意死守八月初八日城守參將武灝開東門三門降賊武灝早與賊通因滿兵守西城寇從西城殺入滿兵卽與巷戰俱死僅留二人匿城內三清橋陳孟玉家得脫薩克蘇自刎賊前軍都督李長春亦被滿兵擊死是晚爾泰左右皆離叛尚宿南門較場擁數騎將歸署灝挾之偕降養性待爾泰以甥舅禮改名劉建中爲定遠將軍黃巖知縣熊兆昇江西豐城縣人不肯仕僞以僞定遠將軍祖宏勳

掾吏仇維貞管縣事城陷之後人民流亡市井邱墟所有民居俱賊佔住富者勒其供應貧者苦於力役遭僞苛政酷虐非常

僞都督曾養性統羣寇屯扎黃巖南門外羽山設大紅哆囉帳房十餘座稱爲大營盤中前後護衛皆嚴每日率羣寇在城東郭外二里許餓虎山腳操練陣圖新降士民俱着割辮蓄髮裹以網巾使用銅錢從閩省搬運內鑄裕民通寶有土嶼一鄉民不肯要錢卽斬於市僞將軍朱飛熊問人係水軍都督梟獍無比每赤足不

履駕大艚聯絡大船自海門排至黃城北門外浮橋飛熊係聽會養性節制不時赴會養性營盤商酌機宜至則有少年健兒五百人跪之喚曰兒子皆服大紅哆囉呢短甲遍體照耀寇容可畏

阮姑娘聞人乃係嫠婦性最兇殘亦帶水師寇吾營此婦威猛莫倫舉步如飛迺夜恐人行刺獨宿桅斗之上部下之寇皆熬煎桐油磨煉兩足有赤腳者有穿名鐵草鞋者怒卽殺人水師時本婦輒爲先鋒

九月二十七日爲都督部寇半從黃鄉西度度城嶺槽

溪駐劄郡城興門外江南章家溪等處地方祖宏勲阿爾泰部寇半從黃北鄉度黃土嶺至郡與養性合兵分三營盤曾養性居中祖弘勲居左阿爾泰居右養性營盤後有刀斧手五百分布左右名曰後牆

十月初十日都統伯穆赫林吉爾塔布提督段應舉塞白理等率兵過浮橋戰於長天洋敗績渠帥曾養性偵王師之將襲夜半整衆以待我師由浮橋登陸甫衝鋒而滿兵接戰賊兵兩路一由紫沙嶼殺出一從江岸殺來我師急回賊已將浮橋欲斷且馬向不善渡津梁負